



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus II. De Cohabitatione Clericorum & Mulierum.

[urn:nbn:de:hbz:466:1-63255](#)

TITULUS II.

De,

Cohabitatione Clericorum
& Mulierum.

QUÆRES 1. Quarum mulierum cohabitatio prohibita sit Clericis? Respond. Cum deinceps continentia virtus honestati vitae maxime contrario suspectam reddere Clericorum vitam soleant consortia & familiaritates mulierum; hinc ut remotiores sint Clerici à periculo lapsus & omnis tollatur occasio scandali, mulieres in ædibus habere prohibentur. Interdicta igitur Clericis est omnis cohabitatio cum mulieribus suspectis quales censentur Extraneæ & Juvenes, non tamen cum aliis personis primo vel secundo consanguitatis gradu conjunctis, uti nec cū mulieribus ætatis proxioris, de quibus incontinentis vita suspicio non habetur. Ratio prohibitionis est, quod sicut impossibile est, stuprum igni admotam illæsam servari, sic miraculorum videatur continentiam nimia familiaritate mulierum non laetificari; & quemadmodum durum est, ignem finu fovere, ut vestimenta non ardeant, aut ambulare super prunas ut plantæ non adurantur, aut picem tangere, ut manus non inquinentur, Prov. 6. Ita durum est mulieri cohabitare & puritatem cordis intactam servare.

QUÆRES 2. Quæ sit Clericorum coabitantium pœna? Respond. Clerici suspectas feminas in ædibus habentes, de iis dimittendis admoneri debent, quod si ter moniti eas non dimiserint,

rint, Iure antiquo excommunicati à beneficiis removebantur. hodiè verò speciali dispositione Concilii Trident. sess. 25. de reform. c. 14. Primo pœnâ otdinariâ secundum consuetudinem diœceseos afficiunrur, quòd si post hanc monitionem non abstinent, tertiam partem omnium fructuum suorum beneficiorum ipso facto amittunt; Sin verò nec secundæ monitioni paruerint omnibus fructibus privantur, & ab administratione beneficiorum ad arbitrium ordinarii removentur: Si & tertiam admotionem contempserint omnibus beneficiis ecclesiasticis & pensionibus perpetuò privantur, & inhabiles ad quævis beneficia declarantur, donec post manifestam vitæ emendationem cùm iis ex commiseratione videatur dispensandum.

TITULUS III.

De

Clericis conjugatis.

QUÆRES 1. An Clerici matrimonium inire, vel initio matrimonio beneficia sua retinere possint? Respond. Cùm simul carnalibus desideriis & divinis obsequiis Clerici vacare nequeant, eos præsertim vero Sacerdotes, non solum à consortiis suspectarum mulierum, sed ab omni etiam conjugio abstrahendos censuerunt Canones, ab ipso jam Ecclesiæ primordio. Illud hic dispiciendum est, quibus Clericis matrimonia prohibeantur, & quatenus Clerici beneficia habere vel retinere possint. Non eodem rigore ecclesia omnes

T 2

à con-